

M. T. CICERONIS  
EPISTOLARUM  
AD CURIONEM ET ALIOS,  
LIBER II.

ARGUMENTUM.

*Quatuor partes habet hæc epistola. Primum accusatus à Curione, quod minus sèpe scribebat, excusationem affert, cum officii sui commemoratione. Deinde dolorem suum ex illius absentia, et ex ejusdem dignitate lètitiā narrat. Tertio loco ad laudem, et virtutem hortatur. Postremò commendat illi suam senectutem. Misit autem Cicero in Asiam has omnes epistolæ ad Curionem quæstorem præter ultimam, quæ incipit: Sera gratulatio, quam scripsit in provincia romana ad Curionem tribunum pl.*

M. Cicero S. D. Curioni,

*Quamquam me nomine negligentia suspectum tibi esse doleo; tamè non tam mihi molestum fuit accusari abs te officium meum, quam jucundum requiri: præsertim cum, in quo accusabar, culpâ vacarem: in quo autem desiderare te significabas meas litteras, præ te ferres perspectum mihi quidem, sed tamen dulcem, et optatum amo-*

*rem tuum. Evidèm neminem prætermisi, quem quidem ad te per venturum putarem, cui litteras non dederim. Etenim quis est tam in scribendo impiger, quam ego? à te verò bis, terve ad summum, et eas per breves accepi. Quare si iniquus es in me judex, condemnabo eodem ego te crimine: sin me id facere noles; te mihi æquum præbere debebis. Sed de litteris hactenùs. Non enim vereor, ne non scribendo te expleam; præsertim si in eo genere studium meum non aspernabere. Ego, te abfuisse tamdiù à nobis, et doleo, quod carui fructu jucundissimæ consuetudinis tuæ: et lætor, quod absens omnia cum maxima dignitate es consecutus: quodque in omnibus tuis rebus meis op-tatis fortuna respondit. Breve est, quod me tibi præcipere meus incredibilis in te amor cogit. Tan-ta est expectatio vel animi, vel ingenii tui, ut ego te obsecrare, obtestarique non dubitem, sic ad nos confirmatus revertare, ut, quam expecta-tionem tui concitasti, hanc sustinere, ac tueri possis. Et quoniam meam tuorum erga me meritorum memoriam nulla unquam delebit oblivio; te rogo, ut memineris, quantæcumque tibi acces-siones fient et fortunæ, et dignitatis, eas te non potuisse consequi, nisi meis puer olim fidelissimis, atque amantissimis consiliis paruisse. Quarè hoc animo in nos esse debebis, ut ætas nostra jam ingravescens in amore, atque in adolescentia con-quiescat tua. Vale.*

## ARGUMENTUM.

*Consolatur Curionem in obitu patris, seque illi parentis futurum loco pollicetur.*

Cicero S. D. Curioni.

Gravi teste privatus sum amoris summi erga te mei, patre tuo clarissimo viro: qui, cùm suis laudibus, tūm verò te filio, superasset omnium fortunam, si ei contigisset, ut te ante videret, quām è vita discederet. Sed spero nostrām amicitiam non egere testibus. Tibi patrimonium dī fortūnent: me certè habebis, cui charus æquè sis, et perjundus, ac fuisti patri. Vale.

## ARGUMENTUM.

*Dissuadet à munericibus dandis in funere patris; dare autem populo solēbat gladiatorum manus.*

Cicero S. D. Curioni.

Rupæ studium non defuit declarandorum munerum tuo nomine: sed nec mihi placuit, nec cuiquam tuorum, quidquam te absente fieri, quòd tibi, cum venisses, non esset integrum. Evidèm quid sentiam, aut scribam ad te posteà pluribus: aut, ne ad eam meditare, imparātum te offendam, corāmque contra istam tuam rationem, meam dicam, ut aut te in meam sententiam adducam, aut certè testatum apud animum tuum relinquam, quid senserim: ut si quandò (quod nolim) displace tibi tuum consilium coepit, possis meum recordari. Brevi tamè sic habeto, in eum statum temporum tuum redditum incidere, ut, iis bonis,

quæ tibi natura, studio, fortuna data sunt, facilius omnia, quæ sunt in rep. amplissima, consequi possis, quām munericibus: quorum neque facultatem quisquam admiratur, (est enim copiarum, non virtutis) neque quisquam est, quin satietate jam defessus sit. Sed aliter, atque ostenderam, facio, qui ingrediar ad explicandam rationem sententiæ meæ; quare omnem hanc disputationem in adventum tuum differo. Summa scito in spectatione te esse: eaque à te expectari, quæ à summa virute, summoque ingenio expectanda sunt. Ad quæ si es, ut debes, paratus (quod ita esse confido) plurimis, maximisque munericibus, et nos amicos, et cives tuos universos, et remp. afficies. Illud profectò cognosces, mihi te neque chariorem, neque jucundiorum esse quemquam. Vale.

## ARGUMENTUM.

*Hortatur Curionem ad studium summæ laudis; quod exoriente jam bello civili timeat, ne se ad improbos cives, deserta rep. conferat; quod evenit: grandi etiam ære alieno à Cæstare liberatus, à senatu ad populum transiit.*

Cicero S. D. Curioni.

Epistolarum genera multa esse non ignoras: sed unum illud certissimum, cuius causa inventa res ipsa est, ut certiores faceremus absentes, si quid esset, quod eos scire, aut nostra, aut ipsorum interesset. Hujus generis litteras à me profectò non expectas. Tuarum enim rerum domesticarum habes et scriptores, et nuntios: in meis autem rebus nihil est sanè novi. Reliqua sunt epistolarum

genera duo, quæ me magnoperè delectant; unum familiare et jocosum; alterum severum et grave. Utro me minus deceat uti non intelligo. Iocerne tecum per litteras? civem meherculè non puto esse, qui temporibus his redire possit. An gravius aliquid scribam? quid est, quod possit gravitè à Cicerone scribi ad Curionem, nisi de rep.? Atque in hoc genere hæc mea causa est, ut neque ea, quæ nunc sentio, velim scribere. Quamobrem, quoniam mihi nullum scribendi argumentum relictum est, utar ea clausula, qua soleo; teque ad studium summae laudis cohortabor. Est enim tibi gravis adversaria constituta, et parata incredibilis quædam expectatio; quam tu una re facillimè vinces, si hoc statueris, quarum laudum gloriam adamaris, quibus artibus eæ laudes comparantur: in iis esse elaborandum. In hanc sententiam scriberem plura, nisi te tua sponte satis incitatum esse confiderem; et hoc, quidquid attigi, non feci inflammandi tui causa, sed testificandi amoris mei. Vale.

## ARGUMENTUM.

*Gratulatur Curioni quod et Romæ non sit, ubi multa contra rempub. committantur: et ibi sit, ubi ex recte factis magnam laudem consequatur. Postremò eum ad suscipiendam républicam hortatur.*

Cicero S. D. Curioni.

Hæc negotia quomodo se habeant, ne epistola quidem audeo narrare tibi; etsi, ubicumquè es, (ut scripsi ad te anteā) in eadem es navi: tamèn, quod abes, gratulor: vel quia non vides ea, quæ nos; vel quod excelsò et illustri loco sita sit laus

tua in plurimorum et sociorum, et civium conspectu: quæ ad nos nec obscuro, nec vario sermone, sed et clarissima, et una omnium voce perfertur. Unum illud nescio, gratuler ne tibi, anteimeam, quod mirabilis est expectatio redditus tui: non quod verear, ne tua virtus opinioni hominum non respondeat: sed meherculè, ne cum veneris, non habeas jam, quod cures: ita sunt omnia debilitata jam, et propè extincta. Sed hæc ipsa, nescio, rectè ne sint litteris commissa. Quarè cetera cognosces ex aliis. Tu tamèn, sive habes aliquam spem de rep. sive desperas; ea para, meditare, cogita, quæ esse in eo cive, ac viro debent; qui sit remp. afflictam, et oppressam miseris temporibus, ac perditis moribus, in veterem dignitatem ac libertatem vindicaturus. Vale.

## ARGUMENTUM.

*Commendat summo studio T. Annium Milonem ad petitionem consulatus: et ut impetrat, quod vult, nihil omittit, quod in genere commendatitio requiri possit.*

Cicero S. D. Curioni.

Nondum erat auditum, te ad Italiam adventare, cum Sex. Villium, Milonis mei familiarem, cum his ad te litteris misi: sed tamen, cum appropinquare tuus adventus putare:ur, et te jam ex Asia Romam versus profectum esse constaret; magnitudo rei fecit, ut non vereremur, ne nimis cito mitteremus; cum has quam primum ad te preferri litteras magnoperè vellemus. Ego, si mea in te essent officia solum, Curio; tanta, quanta magis à te

ipso prædicari, quām à me ponderari solent; verrecundius à te, si qua magna res mihi petenda esset, contenderem. Grave est enim homini pudenti, petere aliquid magnum ab eo, de quo se benè meritum putet: ne id, quod petat, exigere magis, quām rogare; et in mercedis potius, quām beneficij loco numerare videatur; sed quia tua in me, vel nota omnibus, vel ipsa novitate meorum temporum, clarissima, et maxima beneficia extiterunt. Estque animi ingenui, cui multūm debeas, eidem plurimūm velle debere: non dubitavi id à te per litteras petere, quod mihi omnium esset maximum, maximèque necessarium. Neque enim sum veritus, ne sustinere tua in me, vel innumerabilia beneficia non possem; cum præsertim considerem, nullam esse gratiam tantam, quam non animus meus, vel in accipiendo capere, vel in remunerando, cumulandoque illustrate posse. Ego omnia mea studia, omnem operam, curam, industriam, cogitationem, mentem denique omnem in Milonis consulatu fixi et locavi: statuique, in eo me non officii solum fructum, sed etiam pietatis laudem debere quærere. Neque verò cuiquam salutem, ac fortunas suas tantæ curæ fuisse unquam puto, quantæ mihi sit honos ejus, in quo omnia mea posita esse decrevi. Huic te unum tanto adjumento esse, si volueris, posse intelligo, ut nihil sit præterea nobis requirendum. Habemus hæc omnia; bonorum studium conciliatum ex tribunatu, propter nostram (ut spero te intelligere) causam, vulgi ac multitudinis, propter magnificientiam munerum, liberalitatemque naturæ: juvenitatis, et gratiosorum in suffragiis, propter ipsius

excellentem in eo genere, vel gratiam, vel diligentiam; nostram suffragationem si minus potentem, at probatam tamèn, et justam, et debitam, et propterea fortassè etiam gratiosam. Dux nobis et auctor opus est, et eorum ventorum quos proposui, moderator quidam, et quasi gubernator. Qui si ex omnibus unus optandus esset, quem tecum conferre possemus, non haberemus. Quamobrem, si me memorem, si gratum, si bonum virum, vel ex hoc ipso, quod tam vehementer de Milone labore, existimare potes: si dignum denique tuis beneficiis judicas; hoc à te peto, ut subvenias huic mæ sollicitudini, ut huic mæ laudi, vel, (ut verius dicam) propè saluti, tuum studium dices. De ipso T. Annio tantum tibi pollicor, te majoris animi, gravitatis, constantiæ, benevolentiæ erga te, si complecti hominem volueris, habiturum esse neminem; mihi verò tantum decoris, tantum dignitatis adjunixeris, ut eundem te facilè agnoscam fuisse in laude mea, qui fueris in salute. Ego, ni te videre scirem, cum hæc ad te scriberem, quantum officii sustinerem, quanto perè mihi esset in hac petitione Milonis omni modo contentione, sed etiam dimicazione elaborandum, plura scriberem. Nunc tibi omnem rem, atque causam, meque totum commendo atque tradô. Unum hoc sic habeto: si à te hanc rem impetraro, me pñè plus tibi, quām ipsi Miloni, debiturum. Non enim mihi tam mea salus chara fuit, in qua præcipue sum ab illo adjutus, quām pietas erit in referenda gratia jucunda. Eam autem unius tui studio me assequi posse confido. Vale.

## ARGUMENTUM.

Hanc scripsit in Cilicia, cum esset proconsul. Gratulatur Curioni de tribunatu pl. Hortatur ad boni civis officium. De sacerdotio Curionis quiddam interserit. Postremò rogat ne quid sibi temporis prorogari ad provinciæ administrationem patiatur.

M. Cicero procos. S. D. Curioni trib. pl.

Sera gratulatio reprehendi non solet, præsertim si nulla negligentia prætermissa est; longè enim absum, audio serò. Sed tibi et gratulor, et, ut sempiternæ laudi tibi sit iste tribunatus, exopto: teque hortor, ut omnia gubernes et moderere prudenter tua; ne te auferant aliorum consilia. Nemo est, qui tibi sapientius suadere possit te ipso: nunquam labere, si te audies: non scribo hoc temerè, cui scribam, video: novi animum, novi consilium tuum; non vereor, ne quid timidè, ne quid stultè facias: si ea defendes, quæ ipse recta esse senties. Quòd in id reip. tempus non incidēris, sed veneris (judicio enim tuo, non casu, in ipsum discrimen rerum contulisti tribunatum tuum) profectō vides, quanta vis in rep. temporum sit, quanta varietas rerum, quām incerti exitus, quām flexibilis hominum voluntates: quid insidiarum, quid vanitatis in vita, non dubito quin cogites. Sed, amabo te, cura, et cogita nihil novi, sed illud idem, quod initio scripsi: tecum loquere; te adhibe in consilium; te audi; tibi obtempera; alteri, qui melius dare consilium possit;

## LIBER II.

quām tu, non facilè inveniri potest: tibi verò ipsi certè nemo melius dabit. Dii immortales! cur ergò non adsum vel spectator laudum tuarum, vel particeps, vel socius, vel minister consiliorum? tametsi hoc minimè tibi deest: sed tamèn efficeret magnitudo, et vīs amoris mei, consilio te ut possem juvare. Scribam ad te plura aliàs. Paucis enim diebus eram missurus domesticos bellarios, ut, quoniam sanè feliciter, et ex mea sententia remp. gessimus, unis litteris totius æstatis res gestas ad senatum præscriberem. De sacerdotio tuo quantam curam adhibuerim, quamque diffici in te, atque causa, cognosces ex iis litteris, quas Trasoni, liberto tuo, dedi. Te, mi Curio, pro tua incredibili in me benevolentia, meaque item in te singulari, rogo, atque oro, ne patiare mihi quidquam ad hanc provincialem molestiam temporis prorogari; præsens tecum egi, cum te tribunum pl. isto anno fore non putarem: itemque petivi sæpius per litteras, sed tum quasi à senatore nobilissimo, et adolescentे gratiosissimo, nunc à tribuno pl. et à Curione tribuno; non ut decernatur aliquid novi, quod solet esse difficiulus; sed ut ne quid novi decernatur, et ut S. C. et leges defendas; eaque mihi conditio maneat, qua profectus sum. Hoc te vehementer etiam, atque etiam rogo. Vale.

## ARGUMENTUM.

Levitèr Cælium objurgat. Qui commentarium mississet refertum levissimis rebus; eum hortatur ad amicitiam Pompeii; emergente etiam belli civilis

*initio. Addit de suo in provinciam itinere, extremo  
ne sibi provinciae tempus prorogetur.*

14 Cicero procos. S. D. M. Cœlio Rufo.

Quid? tu me hoc tibi mandasse existimas, ut mihi gladiatorum compositiones, ut vadimonia dilata, ut Chresti compilationem mitteres, et ea, quæ nobis, cum Romæ sumus, narrare nemo audiat? vide, quantùm tibi meo judicio tribuam (nec meherculè injuria: enim te adhuc neminem cognovi) ne illa quidem curo mihi scribas, quæ maximis in rebus reipub. geruntur quotidiè, nisi quid ad me ipsum pertinebit; scribent alii: multi nuntiabunt, perferet multa etiam ipse rumor. Quare ego nec præterita, nec præsentia abs te, sed ut ab homine longè in posterūm prospiciente, futura expecto: ut, ex tuis litteris cum formam reip. viderim, quale ædificium futurum sit, scire possim. Neque tamè adhuc habeo, quod te accusem: neque enim fuit; quod tu plus providere posses, quam quivis nostrum, in primisque ego, qui cum Pompejo complures dies nullis in aliis, nisi de rep. sermonibus versatus sum: quæ nec possunt scribi, nec scribenda sunt. Tantum habeo, civem egregium esse Pompejum, et ad omnia, quæ providenda sunt in rep. et animo et consilio paratum. Quare da te homini: complectetur, mihi crede. Iam iidem illi et boni et mali cives videntur, qui nobis videri solent. Ego, cum Athenis decem ipsos dies fuisse, multumque tecum Gallus noster Caninius, proficisci erat inde pridiè Non. Quintet. cùm hoc ad te litterarum dedi. Tibi cùm omnia mea commendatis-

sima esse cupio, tum nihil magis, quam ne tempus nobis provinciae prorogetur. In eo mihi sunt omnia: Quid, quandò et quomodo, et per quos agendum sit; tu optimè constitues. Vale.

## ARGUMENTUM.

*Gratulatur Cœlio, quod superatis competitoribus,  
ædilis curulis designatus sit.*

Cicero procos. S. D. M. Cœlio Rufo, ædili cur. des.

Primum tibi, ut debedo, gratulator; lætorque cùm præsenti, tûm etiam sperata tua dignitate; seriùs, non négligentia mea, sed ignoratione rerum omnium; in his enim sum locis, quò et propèr longinquitatem, et propèr latrocinia tardissimè omnia perferuntur. Et cum gratulor, tum vero, quibus verbis tibi gratias agam, non repatio, quod ita factum sit, ut dederis nobis, quemadmodum scriperas ad me, quem sempèridere possemus. Itaque cum primùm audivi, ego ille ipse factus sum (scis quem dicam) eisque omnes illos adolescentes, quos ille jactitabat; difficile est loqui. Te autem contemplans absentem; et quasi tecum corrām loquerer: non ædepòl quantam ègeris rem, neque quantum facinus feceris, quod quia præter opinionem mihi accidérat, referebam me ad illud: incredibile hoc factu objicitur; repente verò incessi omnibus lætitiis. In quo cùm objurgarer, quod nimio gáudio pœnè desiperem; ita me defensdebam: habeo voluptatem animi nimiam. Quid quæris? dum illum rideo, pœnè sum factus ille. Sed hæc pluribus, multaque alias et de te, et ad te, cùm primùm ero aliquid nactus otii. Te verò, mi

D

Rufe, diligo, quem mihi fortuna dedit amplificatorem dignitatis meæ, ultorem non modò inimicorum, sed etiam invidorum meorum: ut eos partim scelerum suorum, partim etiam ineptiarum pœniteret. Vale.

## ARGUMENTUM.

*Querit videtur de tabellariis epistolas non redditibus, re vera Cælum negligenter accusat, tunc sua gesta magnifice narrat.*

Accusatoria, narratoria.

Cicero imp. S. D. Rufo, ædili cur. des.

Tu vide quām ad me litteræ non perferantur; non enim adduci possum, ut abs te, posteā quām ædilis factus es, nullas putem datas, præsertim cūm esset tanta res, tantæ gratulationes de te; quia quod sperabam, de Hillo (balbus enim sum) quod non putaram. Atqui sic habeto, nullam me epistolam accepisse tuam post comitia ista præclara, quæ mē lātitia extulerunt. Ex quo vereor, ne idem eveniat in meas litteras: equidèm nunquā domum misi unam epistolam, quin esset ad te altera: nec mihi est te jucundius quidquam, nec chārius. Sed balbi non sumus: ad rem redeamus. Ut optasti ita est: velles enim, ais, tantummodò ut haberem negotii, quod esset ad laureolam satis. Parthos times, quia diffidis copiis nostris, ergo ita accidit. Nam parteo bello nuntiato, locorum quibusdam angustiis, et natura montium fretus, ad Amanum exercitum adduxi, satis probè ornatum auxiliis, et quadam auctoritate apud eos, qui me non norant, nominis nostri. Multum est enim

in his locis: hiccine est ille, qui urbem? quem senatus? nosti cætera. Cūm venissem ad Amanum, qui mons mihi cum Bibulo communis est, divisus aquarum divortiis, Cassius noster, quod mihi magna voluptati fuit, feliciter ab Antiochia hostem rejecerat. Bibulus provinciam acceperat: interea cum meis copiis omnibus vexavi Amanienses hostes sempiternos; multi occisi, capti: reliqui dissipati. Castella munita, improviso adventu capta et incensa. Ita victoria justa imperator appellatus apud Issum; quo in loco sæpè, ut ex te audivi, Clitarchus tibi narravit, Darium ab Alexandro esse superatum: abduxì exercitum ad infestissimam Ciliciæ partem. Ibi quintum et vigesimum jam diem aggeribus, vineis, turribus oppugnabam oppidum munitissimum Pindenissum, tantis opibus, tantoque negotio, ut mihi ad summam gloriam nihil desit, nisi nomen oppidi. Quod si, ut spero, cepero; tum verò litteras publicè mittam. Hæc ad te in præsentí scripsi, ut speres te assequi id, quod optasti. Sed, ut redeam ad Parthos; hæc æstas habuit hunc exitum satis felicem: ea, quæ sequitur, magno est in timore. Quarè, mi Rufe, vigila. Primum ut mihi succedatur: sin id erit, ut scribis, et ut ego arbitrör, spissius; illud, quod facile est, ne quid mihi temporis pro-rogetur. De rep. ex tuis litteris, ut anteā tibi scripsi, cūm præsentia, tunc etiam futura magis expecto. Quarè, ut ad me omnia quām diligentissimè perscribas, te vehementè rogo. Vale.

## ARGUMENTUM.

Suum declarat urbis desiderium; et pantheras  
ait non posse capi quas Cælius ædilis petierat, ut in  
suis ludis populo ostenderet.

Petitoria, officiosa.

Cicero imp. S. D. Cælio ædili cur.

Putaresne unquam accidere posse, ut mihi verba deessent, nequè solùm ista vestra oratoria, sed hæc etiam levia nostrata? Desunt autem propter hanc causam, quòd mirifice sum solicitus, quidnam de provinciis decernatur. Mirum me desiderium tenet urbis, incredibile meorum, atque in primis tui; satietas autem provinciæ, vel quia videmur eam famam consecuti, ut non tam accessio quærenda, quam fortuna metuenda sit; vel quia totum negotium non est dignum viribus nostris, qui majora onera in rep. sustinere et possimus et soleamus: vel quia belli magni timor impendet: quod videmur effugere, si ad constitutam diem decedemus. De pantheris per eos, qui venari solent, agitur mandato meo diligenter; sed mira paucitas est: et eas, quæ sunt, valdè ajunt queri, quòd mihi cuiquam insidiarum in mea provincia, nisi sibi fiat. Itaque constituisse dicuntur in Carriam ex nostra provincia decidere. Sed tamen sedulò fit, et in primis à Patisco: quidquid erit, tibi erit; sed quid esset, planè nesciebamus: mihi meherculè magnæ curæ est ædilitas tua. Ipsa dies me admonebat: scripsi enim hæc ipsis Magalensibus. Tu velim ad me de omni rep. statu quād di-

## LIBER II.

ligentissimè præscribas, ea enim certissima putabo, quæ ex te cognovero. Vale.

## ARGUMENTUM.

Litteras à Cælio requirit de rebus urbanis; et horatatur eum, ut urbanos potius magistratus sequatur, quam provinciales.

Horatoria.

Cicero imp. S. D. Cælio ædili cur.

Solicitus equidem eram de rebus urbanis; ita tumultuosæ conciones, ita molestæ quinquaginta afferebantur; nam ceteriora nondum audiebamus. Sed tamen nihil me magis solicitabat, quād in his molestiis non me, si qua ridenda essent, ridere tecum. Sunt enim multa: sed ea non audeo scribere. Illud moleste fero, nihil me adhuc his de rebus habere tuarum litterarum. Quare etsi, cum tu hæc leges, ego, jam annum munus confecero; tamen obviæ mihi velim sint litteræ tuæ, quæ me erudiant de omni rep. ne hospes plane veniam. Hoc melius quam tu, facere nemo potest. Diogenes tuus, homo modestus, à me cum Philone Pessinunte discessit. Iter habebam ad Dejotarum regem: quamquā omnia nec benigna, nec copiosa cognoram. Urbem, mi Rufe, cole, et in ista luce vive. Omnis enim peregrinatio (quod ego ab adolescencia judicavi) obscura et sordida est iis, quorum industria Romæ potest illustris esse, quòd cùm probe scirem, utinam in sententia permansisem. Cum una meherculè ambulatiuncula, atque uno sermone nostro omnes fructus provinciæ non confero: spero me integritatis laudem consequatum;